

续古逸丛书

修古通本

許用晦文集卷第二

丁卯集

雜詩

早秋

遙夜泛清瑟西風生翠蘿
殘螢委玉露早鴈拂金河
高樹曉還密遠山晴更多
淮南一葉下白覺老煙波

一作銀

右一

一葉下前墀淮南人已悲
蹉跎青漢望迢遞白雲期
老信相如渴貧憂曼倩饑
生公與國吏何處是吾師

右二

薊北鴈猶遠淮南人已悲
殘桃間墮井新菊亦侵籬
書劍豈相誤琴樽聊自持
西齋風雨夜更有詠貧詩

右三

金陵阻風登延祚閣

極目皆陳跡披圖問遠公戈鋌三國後冠蓋六朝中葛
蔓交殘壘芒花沒後宮水流簫鼓絕山在綺羅空極浦
千艘聚高臺一逕通雲移吳岫雨潮轉楚江風登閣慙
漂梗停舟憶斷蓬歸期與歸路杉桂海門東

歲暮自廣江至新興往復中題岵山寺四首

夜醉晨方醒孤吟恐失羣海鯁潮上見江鵠霧中聞未
臘梅先實經一作終冬草自薰樹隨山崦合泉到石稜
分虎跡空林兩援轂絕嶺雲蕭蕭異鄉驢明日共絲桼

右一

薄暮緣西峽停橈一訪僧鷺巢橫卧柳猿飲倒垂藤水
曲巖千疊雲重樹百層山風寒殿磬溪雨夜船燈灘漲

危槎沒泉衝怪石崩中臺一襟淚歲杪別良朋

右二

密樹分蒼壁長溪抱碧岑海風聞鶴遠潭日見魚深松
蓋環清韻容根架綠陰南方大葉容樹枝危者輒生根

垂入地如柱丈

洞丁多斲石蠻女半淘金

端州斲石浚

涯縣淘金為業

南浦驚春至西樓送月沉江流不過嶺

何處寄歸心

右三

月在行人起千峯復萬峯海虛爭翡翠溪邏關芙蓉南
方呼市為虛呼戎為邏新州有翡翠虛芙蓉邏也古木

高生斛陰池滿種松木斛花生於佗樹槎枿池沼多松

謂之水松也

火探深洞燕香送遠潭龍

南方持火以乳

同中取燕而食庫州悅城縣有溫媼龍即蛇也隨來往
舟舡至人家或千里外皆以香酒果送之藍塢寒先燒
禾堂晚併春種藍多在塢中先燒其地人以木槽為春
禾謂之春堂更投何處宿西峽隔雲鍾

右四

王居士

筇杖倚柴關都城賣卜還雨中耕白水雲外斲青山有
藥身長健無機性自閑即應生羽翼華表在人間

夏日戲題郭別駕東堂

微風起畫鸞金翠暗珊珊晚樹垂朱實春篴露粉竿散
香蘄簾滑沉水越瓶寒猶恐何郎熱冰生白玉盤

曉發鄞江北渡寄崔韓二先輩

南北信多歧生涯半別離地窮山盡處江泛水寒時露
曉兼葭重霜晴橘柚垂無勞促回轍千里有心期

贈契盈上人

月沉霜已凝無夢竟一作對寒燈寄世何殊客修身未到
僧二毛梳上雪雙淚枕前冰借問曹溪路山多樹幾層

廣陵道中

城勢已坡坳城邊東逝波綠桑非苑樹青草是官莎山
暝牛羊少水寒鳬鴈多因高一回首還詠黍離歌

維舟秦淮過溫州李給事宅

給事爲郎日青溪醉隱銜水池通極浦雪逕遶高巖珠
玉砂同弃松筠草共芟帝圖憂一失臣節耻三緘代有
王陵戇時無靳尚讒定因操直筆寧爲發空函霧黑連

雲棧風狂截海帆石梯迎雨潤沙井帶潮鹹蠟屐青筇
杖藍輿白芻衫應勞北歸夢山路正巉巖

宿開元寺樓

誰家歌裊裊孤枕在西樓竹色寒清簾松香淡翠幃月
移珠殿曉風遞玉簫秋日出應移掉三湘萬里愁

送湯處士反初卜居曲江

鴈門歸去遠垂老脫袈裟蕭寺休爲客曹溪便寄家綠
琪千歲樹黃蘗四時花別怨應無限門前挂水斜

發靈溪館

山多水不窮一葉似漁翁鳥浴寒潭雨猿吟暮嶺風雜
英垂錦繡眾籟合絲桐應有曹一作熊溪路千巖萬壑中

題杜居士

松偃石牀平何人識姓名溪冰寒棹響巖雪夜窸明機
盡心猿伏神閑意馬行應知此來客身世兩無情

神女祠

停車祠聖女涼葉下陰風龍氣石牀濕鳥聲一作鳴山
廟空長眉留桂綠丹臉寄蘭一作蓮紅莫學陽臺畔朝
雲暮雨中

送李定言南游

酒酣輕別恨酒醒復離憂遠水應移棹高峯更上樓簾
涼清露夜琴響碧天秋重惜芳罇宴滿城無舊游

早發中巖寺別契真上人

蒼蒼松桂陰殘月半西岑素壁寒燈暗紅爐夜火深厨
開山鼠散鍾盡嶺猿吟行役方如此逢師懶話心

言文下
行次潼關題驛後軒

飛閣極層臺終童此路回山形朝闕一作岳去河勢抱

一作入關來鴈過秋風急蟬一作鷄鳴宿霧開平生無

限意驅馬任塵埃一本破題云殘月征人起西風宿霧

開第三聯之楊震名偏著終童賤不回

晨至南亭呈裴明府

南齋夢釣竿晨起月猶殘露重螢依草風高蝶委蘭池
光秋鏡澈山色曙屏寒更恋陶彭澤無心議去官

江樓夜別

離別奈情何江樓凝豔歌蕙蘭秋露重蘆葦夜風多深
怨寄清瑟遠愁生翠蛾酒酣相顧起明月棹寒波

灞東題張司馬郊園

楚翁秦塞住昔事李輕車白社貧思橘青門老仰瓜讀
書三逕草沽酒一籬花更欲尋芝朮商山便寄家

游維山新興寺宿石屏村謝叟家

晚過石屏村村長日漸一作易曛僧歸下嶺見人語隔

江一作溪聞谷響寒耕雪山明夜燒雲家家扣銅鼓欲

賽魯將軍村有魯肅廟

塞下

夜戰桑乾北一作雪秦兵半不歸朝來有鄉信猶自寄

征衣

送魚思別處士歸有懷

讌罷衆賓散長歌携一枝溪亭相送遠山郭獨歸遲風

檻夕雲散月軒寒露滋病來雙鬢白不是別離時

送從兄歸隱藍溪二首

名高猶一作尚素衣一作氣高身不達窮巷掩荆一作

扉漸老故人少父貧豪客稀寒雲橫劍望山月抱琴

歸幾日藍溪醉藤花拂釣磯一作莫遣藍溪路青苔滿

釣磯

右一

京洛多高蓋憐兄劇斷蓬身隨一劍老家入萬山空夜
憶蕭關月行悲易水風無人知此意甘卧白雲中

右二

村舍

燕鴈下秋塘田家自此忙移蔬通遠水收果待繁霜野
碓舂杭滑山厨焙茗香客來還有酒隨事宿茅堂

秋日赴闕題潼關驛樓

紅葉晚蕭蕭，長亭酒一瓢。
殘雲歸太華，疏雨過中條。
樹色隨關迥，河聲入海遥。
帝鄉明日到，猶自夢漁樵。
別本作行次潼關逢魏扶東歸首句云南北斷蓬飄
下五句並同卒章云勞歌此分首風急馬蕭蕭

重經姑蘇懷古二首

越兵驅綺羅，越女唱吳歌。
宮盡燕巖少，臺荒麋跡多。
茱萸垂晚露，菡萏落秋波。
無復君王醉，滿城顰翠娥。

右一

香逕遶吳宮，千帆落照中。
鸛鳴山欲雨，魚躍海多風。
城帶晚莎綠，池連秋蓼紅。
當年國門外，誰識伍員忠。

右二

旅懷

征車一作輪何軋二南北極天涯孤枕易爲客遠書難
到家鄉連雲外樹城闌月中花猶有扁舟思一作吳前
年別若耶

南亭與首公讌集

秋來水上亭幾處似巖扃戲馬翻紅葉游龜帶綠萍管
弦心戚戚羅綺驥星星行樂非吾事西齋尚有螢

吳門送客早發

吳歌咽深思楚客怨歸程寺曉樓臺迥一作鍾聲遠江
秋管吹清早潮低水檻殘月下山城惆悵回舟日湘南
春草生

送太昱禪師

禪牀深竹裏心與徑山期結社多高客登壇盡小師
早秋歸寺遠新雨上灘遲別後山一作江雲碧南齋一首詩

嚴陵釣臺貽行侶

故人天下定歸釣碧巖幽舊跡隨臺古高名寄水流
鳥喧羣木晚蟬急衆山秋更待新安月憑君暫駐舟

南樓春望

南樓春一望雲水共昏昏野店歸山路危橋帶郭村
晴煙和草色夜雨長溪痕下岸誰家住殘陽半掩門

思歸

疊嶂平蕪外依依識舊邦氣高詩易怨愁極酒難降
樹暗支公院山寒謝守窓躬勤樓下水幾日到荆江

送無夢上人先歸甘露寺

飄飄一作飄隨晚浪杯影入鷗群岸凍半船雪巖陰一
寺雲夜燈江北見寒磬浦西聞鶴嶺煙霞在歸期不羨君

溪亭

溪亭四面山橫柳半溪灣蟬響塘螂急魚深翡翠閑水
寒留客醉月上與僧還猶戀蕭蕭二竹西齋未掩關

右一

暖枕眠溪柳一作雨僧齋昨夜蒸茶香味夢後松韻晚
吟時共戲魚翻藻爭棲鳥墜一作噪枝重陽應一醉栽
菊助一作在東籬

右二

閑居孟夏即事

綠樹蔭青苔柴門臨一作向水開簾涼初熟麥枕膩一

作閨下經梅魚躍海風一作雲起鼉鳴江雨來佳人竟
何處一作佳期今已晚日夕上樓一作高臺

題灞西駱隱士

磻溪連灞水商嶺接秦山青漢不回駕白雲長一作空
掩關雀喧知鸛靜見戲識一作竟鷗閑却笑南昌尉悠
悠城市間

晚泊七里灘

天晚日沉沉歸舟繫柳陰江村平見寺山郭遠聞砧樹
密猿聲響波澄鴈影深榮華暫時事誰識子陵心

蒜山津觀發軍

羽檄徵兵急轅門選將雄犬羊憂破竹貔武極飛蓬定
繫一作擊猖狂虜何煩矍鑠翁更探黃石略重振黑山